



Synfocity = 991

mail us at : mzsynfo@gmail.com; mizoramsynod@gmail.com - Phone - 2314648

June 26, 2025

- ❑ **Synod Executive Committee (SEC) vawi 313-na an ðhu**
June 25-27, 2025 chhung hian Synod Executive Committee (SEC) vawi 313-na chu J.M. Lloyd Hall, Synod Office-ah neih a ni a, member 136 an kal.
Meeting hi Moderator, Rev. R.C. Lalinghakhiana'n a kaihrui a, Upa Vanlalsawma Siakeng, Synod Secretary-in report a pe a, Rev. Dr. K. Lallawmzuala, Finance Officer-in report a pe bawk.
Secretary report-ah hian KTP Rorel Inkhawm leh Kohhran Hmeichhe Inkhawmpui Lian tuang taka neih a nih thu te, Upper Assam Mission Field hawn a nih thu te, Masihi Sangati (Kawl) Pastor induction neih a nih thu te, Bairabi Presbytery thar hawn a nih thu te, P.C. Wales General Assembly hmanpui tura sawmna dawn a nih thu te, Pu Vanlalngaia'n Synod kuta ram a pek thu te, Mizoram Presbyterian Kohhran leh Presbyterian Church of Myanmar te thawhhona atana Partnership Working Committee din a nih thu te, Magnetic Resonance Imaging (MRI) khawl thar lei a nih thu te, Presbyterian Church, Wales hnen aþangin Synod Hospital, Durtlang leh John Williams Hospital, Lungleia nau neihna Ward (Maternity Ward) leh Synod Hospital, Durtlang K. Ward tihchangtlunna tur ðanpuina dawn a nih thu te, Nephrology Ward thar hawn a nih thu te, Ruihhlo ngaite pual camping neih a nih thu te tarlan a ni.
Tun ðumah hian thurel tura chhawp chhuah 57 a awm a. Chung zingah chuan Synod House Style enþhat chungchang te, Manipur Synod leh Zou Synod nena thawhhona thuthlung pawhsei chungchang te, Music Instructor post ruak pakhat hnawh khah chungchang te, ATC Library building chungchang te, PRESCOM Manual 2022 leh KTP inkaihhruaina enþhat chungchang te, Kum 2028 Nilai leh Beihruul thupui Lesson Plan chungchang te chu a langsar zualte an ni.
- ❑ **KTP**
June 19, 2025 (Ningani) khan MSACS buatsaih, One Day Seminar on Drugs Abuse in Mizoram, Taxation Department Conference Hall, MINECO-a neihah committee member-te, Pu David Lalruatfela leh Upa Lalbiakfela te an tel.
- ❑ **Campus Ministry**
June 20 - 22, 2025 chhung khan Vanzau Bialah hun an hmang a, hemi hunah hian Rev. H.L. Thianghlima, Director; Tv. Lalrinchhana, Counselor leh Resource person mi 5 bakah zaithiam Ni. Melody Lalzirliani te an kal.
June 20, 2025 (Zirtawpni)-ah Vanzau leh Leithûm-a School hrang hrangah hun an hmang a. Resource person Upa Lalnunsiamia Khalthang, Upa K. Lalengzama leh Pu C. John Saiparliana ten hun an hmang a ni. June 21, 2025 (Inrinni) khan Vanzau Presbyterian Kohhran Hall-ah bial chhunga Kohhran Committee te pualin Apologetic Seminar neih a ni a, Resource person Rev. Dr. Rosiamliana Tochwang leh Pu Joel Lalbiakkima ten hun an hmang a ni.
Heng bakah hian Inrinni zan aþanga Pathianni zan thlengin, Bial chhunga Kohhran hrang hrangah hun an hmang bawk.
- ❑ **Kohhran Hmeichhia**
June 21-22, 2025 chhung khan Leadership Training leh Kristian Chhungkaw Campaign neiin Kohhran Hmeichhe Hruaitute hetiang hian an chhuak:
Rengdil Bial : Pi Vanlalhlamuani, Vice Chairman, Pi Lalthangmawii,
Pi K. Remmawii leh Pi Lalrokimi
Kawrthah Bial : Pi Lalmalsawmi Sailo, Pi Lalmani leh Pi Vanlalsangi
Lunglei Bazar Veng Bial : Pi Vanlalhluni, Treasurer, Pi Zohmangaihi leh Pi Tlangthanpari
- ❑ **Finance**
June 28, 2025 (Inrinni) hian Chawnpui Bialah Sum Vawn dan Training neihpui turin thawktute, Pu Zaihmingthanga Fanai leh Upa Vanlalrawna Khiangte te an kal ang.

- ❑ **MSSU**
June 28, 2025 (Inrinni) hian Chhawrtui Kohhranah Sunday School Zirtirtu training neihpui turin trainer-te, Upa B. Lalhmunliana, Upa Zionparlawma leh Upa Danny Lalremmawia te an kal ang.
- ❑ **Social Front**
 - ◆ June 28-29, 2025 chung hian E. Lungdar Bialah Ruihhlo that lohzia inzirtirna campaign nei turin Upa Peter Zohmingthanga, campaigner a kal ang.
 - ◆ June 29, 2025 (Pathianni) hian College Veng Kohhran, Kolasib-ah Social Media chungchang Awareness Campaign nei turin Upa Lallianmawia, campaigner a kal ang.
 - ◆ June 29, 2025 (Pathianni) hian Bungkawh Kohhranah Social Media, Mipat Hmeichhiatna leh Moral Reforms Awareness Campaign nei turin Rev. Dr. K.M Vanlalpeka, campaigner a kal ang.
- ❑ **Synod Mission Board**
 - ◆ **Calcutta Mission Field**
June 21, 2025 (Inrinni) khan belhtu thar paruk an awm a, ni 22 (Pathianni) khan belhtu thar 15 an awm a, ni 24 (Thawhlehi) khan belhtu thar 10 an awm bawk.
 - ◆ **Karbi Anglong Mission Field**
June 22, 2025 (Pathianni) khan belhtu thar pariat an awm.
 - ◆ **Odisha Mission Field**
June 22, 2025 (Pathianni) khan belhtu thar pahnih an awm.
 - ◆ **Jharkhand Mission Field**
June 22, 2025 (Pathianni) khan belhtu thar paruk an awm.
 - ◆ **Upper Assam Mission Field**
June 22, 2025 (Pathianni) khan belhtu thar pakhat a awm.
 - ◆ **Patna Mission Field**
June 22, 2025 (Pathianni) khan belhtu thar pali an awm.
 - ◆ **Arunchal & Assam Mission Field (West)**
June 22, 2025 (Pathianni) khan belhtu thar pali an awm.
 - ◆ **Arunchal & Assam Mission Field (East)**
June 22, 2025 (Pathianni) khan belhtu thar panga an awm.
 - ◆ **Cambodia**
June 22, 2025 (Pathianni) khan belhtu thar pahnih an awm.
 - ◆ **Ramthar Campaign**
June 22, 2025 (Pathianni) khan Sesawng Bialah Ramthar Campaign neiin campaigner-te, Upa F. Lalremthanga, Upa S. Lalthanga, Upa Saithanzuala, Pu R. Lalringliana, Supervisor of Schools, Pu H.T.C Chuaukhuma, Mission Promoter leh Pu B. Lalringliana, Mission Promoter te an kal.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Thinglian	Damlo leh leimin tuar	4	₹ 85,000/-
2.	Serchhip, P&E Veng leh Serchhip, AOC Veng	Leimin tuar	4	₹ 58,000/-
3.	East Phaileng	Khawsak harsa	2	₹ 20,000/-
4.	Aibawk	Damlo leh leimin tuar	2	₹ 17,000/-
5.	Bungtlang Vengsang	Leimin tuar	1	₹ 15,000/-
6.	Zohmun	Leimin tuar	2	₹ 10,000/-
7.	Melriat	Leimin tuar	1	₹ 10,000/-
8.	Bawngkawh Shalom	Leimin tuar	1	₹ 8,000/-
			Belh khawm	₹ 2,23,000/-

☐ **Sunna : Rev. Dr. H. Vanlalauva, Kum 77**

Rev. Dr. H. Vanlalauva hi kum 1948 November 24 khan Leithum khuaah a lo piang a. An unau hi an vaiin 10 an ni a, mipa paruk leh hmeichhe pali an ni.

Kum 1976 December 16 khan Pi Lallianpuii Khiangte nen Ramhlun North Kohhran Biak Inah an innei a, fa pathum - mipa pahnih leh hmeichhe pakhat an nei a. A nupui Pi Lallianpuii Khiangte hian kum 2016 July 6 khan chatuan ram a lo pansan tawh a ni.

Kum 1969 khan Shillong Govt. High School atangin Assam Secondary Education Board hnuaiiah Matric chu First Division-ah a zo a, St. Edmund's College atangin PU a pass leh a. Hemi hnu hian LDC hna thawk chungin St. Anthony's College-ah a zir a, kum 1973 khan B.A. a zo va, kum 1975 khan Guwahati University atangin MA (Economics) chu a pass ve leh a ni.

Kum 1976 khan Ramhlun North Kohhran kal tlangin Pathian thu zir a dil a, Synod chuan United Theological College (UTC)-a BD zir turin a la ta a. Kum 1981 khan BD hi a zir zo va, Aizawl Theological College-ah a thawk zui nghal a. BD result a chhuah veleh Pro. Pastor dil zui nghalin, kum 1981 Synod Inkhawmpui chuan Pro. Pastor atana lain, kum 1982 atang khan Aizawl Theological College-a zirtir hna thawk chungin Chaltlang Bialah te, Dawrpui Vengthar Bialah te leh Bungkawn Bialah te Pro. Pastor-in a awm a ni.

Kum 1983 khan Synod chuan M.Th zir turin a thlang a, kum 1986-ah a zir zo a, ATC-ah zirtir hna thawk chungin Bungkawn Bialah Pro. Pastor hna a thawk chhunzawm leh a. Hemi kuma Synod Inkhawmpui chuan Pastor atan a nemnghet ta a ni.

Kum 1988-89 chungin khan Serampore College-ah a thawk a, kum 1990 khan D.Th. a zir leh a. John Calvin-a theology-a doctorate degree la tur a nih avangin Edinburgh University, Scotland leh Geneva University, Switzerland-ah te research te a tih hnuah kum 1996 khan Doctorate Degree hi a dawng ta a ni. Kum 1998 December thla atangin Aizawl Theological College Principal atan SEC chuan a thlang a, kum 2007 thlang khan Principal hna a thawk a. Kum 2007 khan Synod Moderator niin, kum 2009 khan pension-in a chhuak ta a ni. A pension hnu pawh hian ATC-ah hun rei tak chu rawih zui a ni.

A thih ni thlang hian Synod hnuaiia Committee pawimawh tak takah a tel a. Synod chungin mai bakah PCI Executive Committee member a ni tawh a, BSI Aizawl Auxiliary President ni tawhin tunah hian Chief Translator a ni mek bawk.

Sap atang leh Mizo atangin lehkhahu eng emaw zat a ziaak a. A nupui, Pi Lallianpuii thih champha phak pualin July 5, 2025-a tihchhuah tur 'Calvin's Ecclesiology in relation to the Mizoram Presbyterian' pawh a peih fel leh tawh a, a tihchhuah hmian a kalsan ta a ni.

June 17, 2025 (Thawhlejni) khan a pum nawm loh avangin Synod Hospital, Durtlangah admit a ni a.

June 18, 2025 khan CT Scan an ti a, CT Scan result atang chuan a pumpuiah bawk a awm tih hmuhchhuah a ni a; cancer nia ringin, Ebenezer Hospital-ah refer a ni a. June 21, 2025 (Inrinni) khan Ebenezer Damdawi Inah zai nghal a ni a; a pumpui cancer hi beisei aiin a lo nasa hman tawh tih hmuh chhuah a ni a. An zai zawh hian HDU-ah dah nghal a ni. June 22, 2025 (Pathianni) chawhnu lam atang khan a BP a tlahniam a, Doctor leh nurse ten theitawp chhuahin an vil reng a. June 22, 2025 (Pathianni) zan dar 8:48 khan Lalpa hnenah chatuana chawl turin a kal ta a ni.

June 23, 2025 (Thawhtanni) chawhnu dar 1:00 khan Leitan South Kohhran Biak Inah Rev. R. Vanlalnghaka, Ex-Moderator-in a vui a ni.

☐ **FM Zoawi - Aizawl & Lunglei : Hruaina Eng Radio Programme**

June 27, 2025 (Zirtawpni) @ 7:30 p.m. :

Solo : Laldusaki - Kraws thisenin mi chak thei lo

Zaipawl : East Phaileng Bial Zaipawl - Sualin ka lo thi ta

Thusawi : Rev. K. Laltlanhluah - Tu rawng nge in bawl dawn

Solo : Lalengvari Sinate - Lalpa chu ka berampu

Zaipawl : Durtlang Bial Zaipawl - Kan par ve ang

☐ **Hruaina Eng TV Programme**

- 26.6.2025 (Ningani) 08:30 pm : Thupui zir bing
 27.6.2025 (Zirtawpni) 05:00 pm : Kristian Naupang Pual
 28.6.2025 (Inrinni) 05:30 pm : Puitling Sunday School Zirlai
 29.6.2025 (Pathianni) 07:00 am : Sermon - Rev. Zonunsanga, Phainuam
 08:00 am : Weekly round up
 30.6.2025 (Thawhtanni) 08:30 pm : Hruaina Eng luang chhuak - Rev. V. Lalkima
 01.7.2025 (Thawhlehi) 06:00 pm : Nilaini zan thupui
 08:30 pm : Kohhran Chanchin - Ramthar Kohhran

☐ **Moderator leh Executive Secretary-te Programme:**

Rev. R.C. Lalngkhakliana : Moderator

June 29-30, 2025 North Vanlaiphai Bial

Rev. V.L. Luaia Hranleh : Senior Executive Secretary

June 29, 2025 Chanmari West Chhim Veng Kohhran
 July 1, 2025 Service Rules & RR Enthatu Committee

Rev. Dr. K. Lallawmzuala : Executive Secretary

June 28, 2025 Zirlai Viltu Committee
 July 1-5, 2025 CMC Vellore Council meeting

Rev. Dr. Rosiamliana Tochwawng : Executive Secretary

June 28, 2025 Zirlai Viltu Committee
 July 1, 2025 MCC Building tlawh
 July 2, 2025 PBS

SYNOD BOOKROOM LEHKHABU CHHUAK THAR - MAY, 2025

1. Mizoram 7 Golden Articles Vol - II:	₹ 150/-
2. Ka ro duhawm ber: Henry Lalmawizuala	₹ 300/-
3. Ama kutin min hruai zel thin: C. Laizawna	₹ 200/-
4. Chhanna dik: Synod Campus Ministry	₹ 80/-
5. Modern Indian History Part 1 & 2 (Mizo): Remlalliana	₹ 300/-
6. Mizo lal Zakapa (Hnam chhantu): Dr. Laltluangliana Khiangte	₹ 280/-
7. Indigenous Tribal Warrior Pasaltha Khuangchera: Dr. Laltluangliana Khiangte	₹ 450/-
8. Lalnu Ropuiliani: Dr. Laltluangliana Khiangte	₹ 450/-
9. Runginu leh Thialtea:	₹ 250/-
10. Science leh Kristianna - A indo em?: Krista Rohuahpuia	₹ 300/-
11. Esopa Thawnthu Fing: Synod Literature & Publication Board	₹ 200/-



www.mizoramsynod.org

Synod Information & Publicity
 Phone - 2314648

Synfo

YouTube channel: Synod Information